

Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfimmi Upalungaarsimanermut Immikkoortortaqarfimmi pisortaq

Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfik Upalungaarsimanermut Immikkoortortaqarfimmi pisortassarsiorpoq. Atorfik aqutsinermik, suliatigut piginnaaneqarfinnik annertuunik politikerinillu kiffartuussinermik ataatsimoortitsiffiusoq atorfiniffigerusuppiuk? Aamma atorfik upalungaarsimanermi oqartussaasuni ineriartortitsinermilu suliaassanik paasisimaarinnilluarnissamik pisariaqartitsiffiusoq, attaveqarfinnik inerisaanissamut, suleqateqarnissamut soqutiginnittunillu akuutitsinissamut piginnaaneqarfinnik isumalimmik atuiffigisinnaasat kissaatigaajuk? Taamaappat immaqa illiuvoq, Upalungaarsimanermut Immikkoortortaqarfitsinni pisortariligassarput.

Atorfik pillugu

Immikkoortortaqarfimmi pisortap Naalakkersuisoqarfimmi pisortaq qullersaraa, aammalu Naalakkersuisoqarfiup aqutsisoqatigiivinit ilaalluni. Ukiup nikinneraniit Upalungaarsimanermut Immikkoortortaqarfimmi atorfii akuerisat arfinilinnik amerlassuseqalissapput, taakkunanngaanniillu pingasut maanna inuttaqareerput. Taakku saniatigut sulisut pingasut tikillugit atukkiunneqarnissaannut, taamaalillutillu immikkoortortaqarfimmi sulilernissaannut Inuiaqatigiit Isumannaassusiannut Upalungaarsimanermullu Ministereqarfik isumaqatigiissutigineqarpoq. Kommunit, innuttaasut, suliffeqarfiit, soqutigisaqatigiiffiit peqatigiiffiillu, danskit nunallu allat oqartussaasui, minnerunngitsumillu politikkimik suliallit qanillugit suleqatigilissavatit. Taakku saniatigut Naalakkersuisoqarfimmi pisortaaqatigiit Naalakkersuisoqarfiillu allat qanillugit suleqatigilissavatit.

Suliaasaqarfimmi siunnerfilersuineq, tulleriiaarineq suliaassanillu ataqatigiissaarineq, aammalu suliat ingerlanneqarnerini pitsaassutsit suliallu siumut ingerlanerisa qaffasinnissaat akisussaaffigilissavatit. Tamatuma peqatigisaanik sulisut suliatigut ineriartornerannut tapertaassaait, aammalu nammineerluni suliaassanik aaqqiinissamut, akisussaaffeqarnermut suleqateqarnermullu sinaakkutissanik pitsaasunik pilersitsissallutit.

Atorfik sulisunik aqutsiffiuvoq sulianillu aqutsiffiulluni, inatsisilerinermik, oqartussaasut suliaasaanik, apeqqutinik aningaasaqarnermullu tunngasunik suliaqarfiuvoq, kiisalu politikkikkut - allaffissornikkut kiffartuussinermik qanittumik suliaqarfiulluni.

Akisussaaffeqarfissatit

Akisussaaffeqarfissatit ilaatigut tassaassapput:

- sulisunik aqutsineq sulisullu suliaannut aqutsineq, aammalu sulisut toqqissisimanissaannut, suliatigut ineriartornissaannut, akisussaaffeqarnerannut nammineersinnaanissaannullu sinaakkutissanik pitsaasunik qulakkeerineq
- immikkoortortaqarfiup oqartussaasutut ineriartortitsinermilu suliaasaasa, suliniutaasa aammalu aalajangiinissamut tunngavissanik, inatsisinik, allakkianik aalajangiinernillu suliaqarneranut atatillugu allagaatit pitsaassusiinik sunniutissaannillu qulakkeerisarneq
- suliaasaqarfimmut inatsisinik ineriartortitsineq, aqutsineq malinnaanerlu
- Namminersorlutik Oqartussat upalungaarsimanermut pilersaarutaannik ataqatigiissaarinermut akisussaaneq
- upalungaarsimanermut ataatsimiititaliarsuarmut allattoqarfittut suliaassanik isumaginninneq, tassunga ilanngullugu upalungaarsimanermut ataatsimiititaliarsuup

siulittaasuata peqannginnerani taartaasarneq

- aaqqissuussaaneq akimorlugu aamma avataani sullissit akornanni ataqatigiissaakkamik pitsaasumillu attaveqaqatigiinnissamik, suleqatigiinnissamik soqutigisaqartullu akuutinneqarnissaannik qulakkeerineq
- Naalakkersuisumut Naalakkersuisoqarfiullu aqutsisunut siunnersuisarneq aamma politikikkut – allaffissornikkut kiffartuussineq
- suliassaqaqarfiup iluani aningaasanut inatsisinut tapiliussineq, missingersuutitut malinnaaneq aningaasaqarnikkullu tulleriiaarineq
- ulluinnarni ataatsikkut amerlasuunik assigiinngiaartunillu suliaraqfiusuni suliassanik siunnerfiliisinnaaneq, tulleriiaarisinnaaneq qulakkeerisinnaanerlu
- suleqatikkuminartuuneq aammalu oqartussaasut aaqqissuussaanerillu akimorlugit attaveqarfissanik inerisaasinnaassuseqarneq
- sulianik ilisimaarinnissinnaaneq siumullu ingerlanissamik qulakkeerisinnaaneq, aammattaaq piffissaliussat sivikikkaluarpata politikikkullu annertuumik eqqumaffigineqaraluarpata.

Ilinnut tunngasut

Ilinniagaq: Attuumassutilimmik ingerlaqqiffiusumik ilinniagaqarputit, ukiunilu arlalinni pisortat namminersortulluunniit suliassaqaqarfianniit aqutsinermik misilittagaqarlutit.

Aqutsinermik misilittagaqarneq: Aqutsinermik misilittagaqarluarputit, aammalu sullivimmi avatangiisinik pitsaasunik pilersitsiffiusunillu pilersitsinissamut piginnaaneqarputit, tamatumalu peqatigisaanik ulluinnarni ulapaarfiusuni uummaarissunilu suliat paasisimaarinissaat piginnaaneqarfigaat.

Sulianik ilisimasaqarneq: Upalungaarsimanermi suliassaqaqfik misilittagaqarfigilluarpat paasisimaarinniffigalugulu, aammalu suliassat suliassaqaqfinnut akimuiffiusut pisariusut suliarinissaat misilittagaqarfigaat.

Attaveqaqateqarneq: Allakkatigut oqaluinnarlunilu attaveqaqateqarnerit piginnaaneqarfigilluarpatit, aammalu sammisat pisariusut politikikkut aalajangiisartunut suliassanilu suleqatinut ersarissumik eqqortumillu oqaasiliornissaat piginnaaneqarfigaat.

Suleqateqarneq: Ammasumik pissuseqarputit, suleqateqarnissat siunnerfigisarpata, aammalu aaqqissuussaanerit qaffasissutsillu akimorlugit attaveqaqateqarnernik pilersitsisinnaavutit.

Sunniisinnaassuseqarneq: Allanut pitsaasumik sunniisinnaaneq piginnaaneqarfigaat, taamaalillutillu attaveqaqateqarnerit iliuutsitillu aqqutigalugit inernerit, allannguutit tunniusimanerlu pilersissinnaavatit.

Kulturimik paasisimaarinninneq: Kalaallit Nunaanni pissutsinik ilisimasaqarneq aamma kalaallisut, danskisut tuluttullu oqaatsinut piginnaaneqarneq iluaqutaassapput.

Neqeroorutigaavut

Qitiusumik pisortatut atorfik, annertuumik akisussaaffeqarfiusoq, aammalu qitiusumik politikikkut ineriartornermut, innuttaasunut inuiaqatigiinnullu annertuumik isumaqartumut sunniinissamut periarfissaqarfiusoq neqeroorutigaarput.

Politikikkut aalajangiisarnerit qanillugit sulinissamut, aammalu upalungaarsimanermi suliassanik, oqartussaasut suliannit aalajangersimasuniit inatsisiliornermut, periusissiornermut ineriartortitsinermullu tunngasunik suliqaqarnissamut periarfissaqassaati.

Suliat Naalakkersuisoqarfimmi suliassaqaqfiit akimorlugu suliffeqarfimmi avatangiisini allanngorartumik suliaraqfiusuni, aalajangiinissamut naatsunik aqquteqarfiusuni aammalu qanittumik suleqatigiiffiusuni ingerlanneqarput.

Suliatigut, inuttut aqutsisutullu ineriartornissamut periarfissat pitsaasuupput.

Upalungaarsimanermut Immikkoortortaqarfik aaqqissuussaanerimmi Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfimmi inissisimavoq. Naalakkersuisoqarfik sisamanik immikkoortortaqarfeqarpoq,

Upalungaarsimanermullu Immikkoortorta qarfiup saniatigut Pisortat Allattoqarfiat, Sanaartornermut Immikkoortorta qarfik aamma Attaveqaasersuutitut Immikkoortorta qarfik tassaniipput. Naalakkersuisoqarfimmi atorfillit 50-it missaanniipput.

Aningaasarsiatigut atorfinitsitaanermilu atugassarititaasut

Atorfik akissaateqarfimmi LR 38-mi maanna inissisimavoq. 1. april 2026 LR 38-mi tunngaviumik akissarsiaq tapillu aalajangersimasut soraarnerusutissianullu illuatittagaq ilanngullu anertussuseqarput qaammammut Kr. 64.048 ukiumullu Kr. 768.576.

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

1. novembari 2026-mi imaluunniit isumaqatigiissuteqarnikkut atorfinitsitsisoqassaaq.

Isumannaallisaanermi akueringeqarneq

Atorfininnissamut isumannaallisaanermi akuersissummik, "Isertortoq"-mut inissisimasumik pissarsisinnaanissat, aammalu isumannaallisaanermut akuersissutip piffissami atorfeqarfiusumi tamarmiusumi atuutiinnarsinnaanissaa pisariaqartinneqarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqarnissamut killigititaasoq

Apequtissaqaruit Naalakkersuisoqarfimmi pisortaanek Ruth Lindhardt rli@nanoq.gl aqutigalugu attaveqarfigisinnaavat.

Qinnuteqaatit, CV, ilinniarsimasanut pikkorissaatigisimasanullu uppersaataat kiisalu paasissutissat allat pisariaqarsinnaasut kingusinnerpaamik 28. septembari 2026-mi, "qinnuteqaat nassiuguk" toorlugu nassiutikkut. E-mail-ikkut qinnuteqaatinik tigusineq ajorpugut.